

## Maure desvelopamen duradis

Assoucioun lei 1901 agènt soun sèti à Gassin, Var.

Aquelo assoucioun es estado creado pèr un ancian deputa Jan-Miquèu Couve, pèr fin d'óuteni la labelisacion « UNESCO-GEOPARC ».

Lou territòri es l'ensèn di Mauro entre Pierefue e Frejus, de la mar à la plano dóu Lu en Var.

L'óujeitiéu es dounc de mounta un doursié que sara pièi presenta au Councèu Regionau e à l'Etat francés pèr pièi èstre presenta e defendu à l'UNESCO.

Pèr acò faire fau :

Faire recounèisse li particularita geoulougico déjà couneigudo pèr li especialisto de la causo, mai noun dóu grand publi,

Faire recounèisse lou patrimòni culturau estaca à-n-aquéu terraire en fasènt un travai de recerco moustrant à bèus uei vesènt la presènci de l'ome e d'uno ecounoumìo propro à l'endré.

Countrarimen au Pargue nacionau de Port Cros lou desvelopamen dis ativeta ecounoumico es pas regenta pèr un cadre barra, mai toujours replaça dins l'interès generau en vigour au moumen de la recouneissènço.

Interès pèr Forum d'Oc

Estre presènt dins l'assoucioun e participa emé un delega (voulountàri) à la vido ativo d'aquelo assoucioun pèr fin de deveni un referènt de nosto culturo e nosto lengo en participant i coumessioun scientifico vo d'interès coumun.

Aquelo assoucioun es en liame emé tóuti li facultat e coumita de sabènt toucant l'ecoulougìo, l'arqueoulougìo, la geoulougìo, etc, e sarié uno error grèvo se leissavian la plaço à d'àutri.

Vo à moun veaire sarié uno bono causo que lou logo de Forum d'Oc apareiguèsse sus la publicita d'aquelo assoucioun.

Vous gramaciéu.

Gui REVEST